



Union Govt. Swearing

नरेन्द्र मोदी होरें लगातार त्रीह कार्यकाल आस्तै भारत दे प्रधानमंत्री दे औहदे दी सगंध लैती। राष्ट्रपति द्रौपदी मुर्मू होरें राष्ट्रपति भवन च आयोजित समारोह च नमें मंत्री मंडल दे सदस्ये कन्नै मोदी होरें गीते होरने गी राजदारी दी सगंध दोआई। शपथ ग्रेहण समारोह दरान 30 कैबिनेट मंत्रिएं, 5 राज्य मंत्रिएं(स्वतंत्र प्रभार) ते 36 राज्य मंत्रिएं सगंध लैती। बीजेपी दे वरिष्ठ नेता राजनाथ सिंह, अमित शाह, नीतिन गडकरी, डॉ. एस.जयशंकर, पियूष गोयल, धर्मेन्द्र प्रधान, निर्मला सीतारमण, ते बीजेपी दे अध्यक्ष जे.पी.नड्डा होरें कैबिनेट मंत्री दे तौरा पर सगंध लैती। पार्टी दे वरिष्ठ नेता राव इंद्रजीत सिंह, डॉ. जितेन्द्र सिंह ते अर्जुन राम मेहावाल हुंदे कन्नै-कन्नै शिवसेना दे प्रताप राव जाधव होरें राष्ट्रीय लोकदल प्रमुख जयंत चौधरी होरें राज्य मंत्री (स्वतंत्र प्रभार) दे तौर पर सगंध लैती।



Cabinet Meet

नमीं केन्द्रीय कैबिनेट दी पैहली बैठक अज्ज होने दी मेद ऐ। एह बैठक संजा तगर लगने दी संभावना ऐ। कल प्रधानमंत्री नरेन्द्र मोदी ते उंदे नमें मंत्री परिषद नै औहदे दे सगंध लैती। राष्ट्रपति द्रौपदी मुर्मू होरें राष्ट्रपति भवन च आयोजित इक समारोह च मोदी हुंदे कन्नै मंत्री परिषद दे सदस्ये गी औहदे ते राजदारी दी सगंध दोआई।



PM World Leaders

प्रधानमंत्री नरेन्द्र मोदी होरें आखेआ जे भारत उंदे त्रीए कार्यकाल च खित्ते दी शांति, प्रगति ते समृद्धि लेई कम्म करना जारी रखोग। उंदे खित्ते च लोकें बश्कार आपसी सरबंध ते संपर्क बधाने दा आह्वान कीता। उनें कल रातीं राष्ट्रपति भवन च शपथ ग्रेहण समारोह मगरा भारत दे गोआंढी मुल्खें ते हिंद महायागर क्षेत्र दे नेताएं कन्नै मलाटी दरान एह गल्ल आक्खी। प्रधानमंत्री होरें इनें नेताएं दा धन्नबाद करदे होई गोआंढी पैहले आली नीति ते सागर दृष्टिकोण प्रति भारत दी वचनबद्धता दोहराई। मोदी होरें आखेआ जे भारत अंतर्राष्ट्रीय क्षेत्रें च ग्लोबल साउथ गी अवाज बुलंद करना जारी रखोग।



Reasi Attack

रियासी जिले दे त्रेआट ग्रां कश आतंकी हमले च श्रद्धालुएं गी लेई जा'रदी इक बस डूहंगी खाई च जाई पेई। इस हादसे च 10 लोकें दी मौत होई गई ते 33 होर घायल होई गे। बस

शिवखोड़ी थमां कटरा जा'रदी ही। एसएसपी रियासी मोहिता शर्मा होरें दस्सेआ जे बस दे डरैवर गी गोली लग्गी जेह्दे मगरा ओह्दा गड्डी पर काबू नेई रेआ। घायलें गी नेडे दे रियासी आले ते जम्मू दे अस्पताले च इलाज लेई लेता गेआ। राष्ट्रपति द्रौपदी मुर्मू होरें घटना पर दुख जताया। उनें श्रद्धालुएं गी लेइयै जा'रदी बस पर होए दे आतंकी हमले गी मनुक्खता प्रति अपराध दस्सेआ ते आखेआ जे एह्दी सख्त लफ्जें च निंदेआ होनी लोड्चदी। राष्ट्रपति होरें घायलें दे तौले नरोए होने दी कामना बी कीती ते आखेआ मुख्य पीडित परोआरें कन्नै मजबूती कन्नै खड़ोते दा ऐ। बस पर सुआर होए दे सारे श्रद्धालु जम्मू कश्मीर दे बाहर दे रौहने आले हे, इंदे चा तकरीबन लोक उत्तर प्रदेश दे रौहने आले हे जेह्दे शिवखोड़ी दे दर्शन करने लेई गेदे हे। प्रधानमंत्री नरेन्द्र मोदी होरें बी हालात दी जानकारी लैती ते उपराज्यपाल मनोज सिन्हा होरें गी हालात पर लगातार तक्क रखने लेई आखेआ। उनें घायलें गी लोड्चदी मैडिकल सहायता उपलब्ध करोआने लेई बी आखेआ।

<><><><><><>

Terror Attack Condolences

राष्ट्रपति द्रौपदी मुर्मू होरें रियासी जिले च होए दे बस हादसे उप्पर बसोस जाहर कीता। उनें श्रद्धालुएं गी लेइयै जा'रदी बस पर होए दे आतंकी हमले गी मनुक्खता प्रति अपराध दस्सेआ ते आखेआ जे एह्दी सख्त लफ्जें च निंदेआ होनी लोड्चदी। राष्ट्रपति होरें घायलें दे तौले नरोए होने दी कामना बी कीती ते आखेआ मुख्य पीडित परोआरें कन्नै मजबूती कन्नै खड़ोते दा ऐ। केन्द्रीय मंत्री अमित शाह होरें बी इस हमले दी निंदेआ कीती ऐ। उनें उपराज्यपाल ते पुलस महानिदेशक हुंदे कन्नै गल्ल कीती ते घटना दी जानकारी लैती। शाह होरें आखेआ जे इस हमले च शामिल लोकें गी बख्शोआ नेई जाग। उपराज्यपाल मनोज सिन्हा होरें बी इस बस हादसे दी कड़ी निंदेआ कीती ते जान मोआने आलें लोकें दे परोआरें कन्नै बसोस जाहर कीता। उनें गलाया जे सुरक्षाबलें ते जम्मू कश्मीर पुलस नै उस इलाके गी घेरी लैता ऐ ते आतंकवादिएं गी तुप्पने आस्तै उस थाहरे पर पुलस ते सेना कमी रली-मिलियै तपाशी अभियान जारी कीता ऐ। उनें एह आश्वासन दित्ता ऐ जे इस हमले दे पिच्छे जेह्दा बी हत्थ होग, उनेंगी बख्शोआ नेई जाग।

<><><><><><>

Search Operation

ऐतवार संजा रियासी जिले च होए दे बस हादसे च 10 लोकें दी मौत होई गई ते 33 होर घायल होई गे। इस हादसे दे मगरा सुरक्षाबलें आस्सेआ तपाशी अभियान चलाया गेआ। राज्य आपदा प्रतिक्रिया बल यानि एसडीआरएफ दी टीम बी रियासी पुज्जी गई ते ड्रोन दी मदाद कन्नै बी आले-दुआले दे जंगली इलाके च एह तपाशी अभियान चलाया गेआ। एह बस शिवखोड़ी थमां कटरा जा'रदी ही। जेह्दे उप्पर 6 बज्जियै 10 मिंटे उप्पर रियासी जिले च राजौरी कन्नै लगदे पौनी इलाके च आतंकवादिएं हमला कीता। उनें सिद्धा गै बस दे डरैवर उप्पर हमला कीता जेह्दे करी ओह् अपने आपे च बाहर होई गेआ ते बस खाई च जाई डिग्गी।

<><><><><><>

IMD

भारत दे मौसम विभाग नै गोवा, महाराष्ट्र ते कर्नाटक किश हिस्सें च भारी थमां मती भारी बरखा करी रैड अलर्ट जारी कीता ऐ। भारती मौसम विभाग नै इस मौसमी गडबडी दी वजह

मराठावाडा क्षेत्र उप्पर ऐठले क्षोभमंडलीय स्तर उप्पर चक्रवाती हलचल गी दस्सेआ ऐ। आईएमडी नै आखेआ ऐ जे अगले 3 शा 4 ध्याड़े दरान कर्नाटक, केरल, लक्षद्वीप ते आंध्रप्रदेश उप्पर गरजना, बिजली ते तेज ब्हाऊ कन्नै हल्की थमां मती बरखा होग। अगले 6 ध्याड़े दरान उत्तर-पूर्व भारत ते पच्छम बंगाल च एह् हालात बने दे रौहगन। पूर्वी ते मध्य भारत च बी अगले 4 दिनें दरान बिहार, झारखंड, ओडिशा, मध्यप्रदेश ते छत्तीसगढ च बी इस चाल्ली दी स्थिति बनी रौहग। उआं पंजाब, बिहार, झारखंड, पच्छम बंगाल, हिमाचल प्रदेश, उत्तराखंड, दिल्ली, राजस्थान ते मध्य प्रदेश दे किश हिस्सें च इस म्हीने दी 13 तरीक तगर गर्मी दा प्रकोप जारी रौहग।

<><><><><><>